

1/473 DELEGACIÓN DE COMPETENCIAS DA XUNTA DE GOBERNO LOCAL NO TITULAR DA ÁREA DE URBANISMO, DEPORTES E XUVENTUDE (2025/G004/000712).- Examinado o expediente tramitado para os efectos e visto o informe proposta da Alcaldía, do 21 de novembro de 2025, na parte expositiva do cal se fai constar:

“Visto o Decreto número 10280/2025, do 4 de novembro de 2025 (que entrou en vigor o día 10 de novembro de 2025), no que se nomearon tenentas e tenentes de alcalde, se crearon as áreas de goberno e o seu ámbito material, se nomearon as persoas titulares destas e das concellerías delegadas dentro das ditas áreas de xeito que quedan integrados na ÁREA DE URBANISMO, DEPORTES E XUVENTUDE os postos de traballo e as unidades que forman parte dos servizos de Urbanismo, Licenzas, Arquitectura e da oficina de Arqueoloxía, faise preciso determinar o réxime de competencias que asumirá este órgano para garantir o funcionamento dos servizos municipais que lle corresponden.”

A Xunta de Goberno Local, con base na referida proposta e por unanimidade de todos os seus membros presentes, **ACORDA:**

PRIMEIRO.- Delegar no titular da Área de Urbanismo, Deportes e Xuventude o outorgamento e denegación de licenzas urbanísticas que se refiran á execución de obras e instalacións para as que a lexislación require a presentación de proxecto técnico ou sexan cualificadas de obra maior e cuxo presuposto de execución material segundo proxecto sexa inferior a 300.000 euros, así como a aprobación das liquidacións tributarias que procedan por este concepto.

Así mesmo, delégase o exercicio das atribucións que lle correspondan á Xunta de Goberno Local, sempre e cando non sexan indelegables, en relación cos servizos, actividades e materias seguintes:

- ordenación e xestión urbanística e execución do planeamento urbanístico,
- intervención na regulación do mercado do solo e xestión do patrimonio municipal do solo,
- intervención no exercicio das facultades dominicais relativas ao uso do solo e edificación,
- actuacións de disciplina urbanística,
- promoción e xestión de vivenda,
- conservación e protección do patrimonio histórico-artístico,
- fomento da conservación e rehabilitación das edificacións,
- actuacións de arqueoloxía para preservación do patrimonio,
- vixilancia e control de establecementos industriais, comerciais, de servizos, de espectáculos e actividades recreativas, establecementos públicos e outras instalacións sometidas a autorización municipal.

ACTAS E GOBERNO

JDR/cvr

Refº: ispac4465709996821323740.doc

Asunto: XUNTA DE GOBERNO LOCAL DO 26-11-2025

SEGUNDO.- As delegacións acordadas no apartado anterior suxeitaranse ao seguinte réxime xurídico:

a) Os actos ditados, se é o caso, polo órgano delegado no exercicio das atribucións delegadas enténdense ditados polo órgano delegante. Corresponderalle ao órgano delegante a resolución dos recursos que poidan interpoñerse.

b) O exercicio das facultades por delegación deberá facerse constar nas resolucións que, se é o caso, se diten, de conformidade co que dispón o artigo 9 da Lei 40/2015. Así, nas resolucións que se adopten no exercicio das delegacións conferidas pola Xunta de Goberno Local, farase constar expresamente esta circunstancia e a data deste acordo.

c) O órgano delegante, sen prexuízo das facultades que lle corresponden á Alcaldía, conservará as facultades de recibir información da xestión da competencia delegada e dos actos e disposicións emanados en virtude da delegación e a de ser informados previamente á adopción de decisións de transcendencia, de acordo co disposto no artigo 115 ROF.

d) A Xunta de Goberno Local poderá revogar en calquera momento as delegacións efectuadas seguindo as mesmas formalidades aplicadas para outorgalas, de conformidade co establecido no artigo 9.6 da Lei 40/2015 e 116 ROF.

e) A Xunta de Goberno Local poderá resolver, sen necesidade de avocación formal, en calquera momento daquelas competencias delegadas que pola súa importancia, transcendencia social ou outras consideracións o xustifiquen sen que iso supoña alteración das delegacións de competencias e atribucións efectuadas de acordo co que dispón o artigo 10 Lei 40/2019 e 116 ROF.

f) En ningún caso poderán delegarse as atribucións que se posúan á súa vez por delegación.

g) As resolucións ditadas en virtude de delegación de atribucións poñerán fin á vía administrativa nos mesmos casos e termos que correspondería á actuación do órgano delegante.

h) Nos supostos de ausencia de calquera clase do titular da Área de Urbanismo, Deportes e Xuventude, as competencias a este atribuídas serán exercidas polo titular da Área de Dinamización Económica e Relación Institucionais.

i) As delegacións contempladas neste acordo non quedarán revogadas por cambio do titular da área, salvo que expresamente así se determine.

TERCEIRO.- Derrogar o disposto nos acordos adoptados anteriormente pola Xunta de Goberno Local en todo aquilo que se opoña ou contradiga ao disposto neste acordo.

CUARTO.- Deste acordo daráselle conta ao Excmo. Concello Pleno, procederase á súa publicación no Boletín Oficial da Provincia, á súa exposición no Taboleiro de Edictos, Portal de Transparencia, á súa notificación a todas as persoas interesadas e á súa comunicación ás dependencias municipais.